

DISPUTATIO MEDICA
INAUGURALIS,

D E

DYSENTERIA,

QUAMQUE,

PRÆSIDE DEO TER OPT. MAX.

Ex Auctoritate Magnifici D. Rectoris,

RODOLPHI LEUSDEN,

Phil. & Med. Doct. Medicinæ, Anatomes, & Chirurgiæ,
in Academia Ultrajectina, Professoris Ordinarii:

NEC NON

*Amplissimi Senatus Academici consensu, & Nobilissimæ
Facultatis MEDICÆ decreto,*

PRO GRADU DOCTORATUS,

Summisque in MEDICINA Honoribus & Privile-
giis ritè ac legitime consequendis,
Eruditorum Examini subjicit

GUIDO DE ROUFFIGNAC, Gallo-Anglus.

Ad diem xv. NOVEMB. loco horisque solitis.



TRAJECTI ad RHENUM,

Ex Officina GUILLIELMI vande WATER, Academiae
Typographi, clō 10 CCVII.

CELEBERRIMIS CONSULTISSIMIS
GRAVISSIMISQUE

V I R I S

DN. JACOBO DE ROUFFIGNAC,
Verbi D. Ministro parenti summe ve-
nerando dilectissimo.

DN. RODOLPHO LEUSDEN,
Rectori Magnifico, Anatomiae & Med.
Doct. Chirurgiae Professori Ordinario.

DN. JOANNI MUNNIKS, M. D.
Botanices & Anatomiae Professori Or-
dinario &c. Promotori venerando.

DN. DAVIDI MARTIN, Ecclesiae
Gallo Belgicae Ultrajectinae Pastori vi-
gilantissimo, eruditissimo.

DN. R. DUCANE, Viro gravissimo
generosissimo.

*Hanc Disputationem Inanguralem
ea qua per est reverentia*

D. D. D.

G. DE ROUFFIGNAC.
Gallo Angelus.



DISPUTATIO MEDICA
IN AUGURALIS,
DE
DYSENTERIA.

THESIS I.



Ræcursores nostri, Athletæ terribiles (morbis autem, non patientibus intelligo,) *plurimis infirmitatibus corpus nostrum obnoxium esse*, prædicaverunt. Tum ne exordio toties repetito lectorem meum offendam, & cum hæc præmissa typographo, potius quam lectori grata sint, ipsa omitendo, ad Dysenteriae definitionem, (paucis primum observatis de vocis Etymologia) secundum meam quidem sententiam humiliter proponendam memet accingam.

I I.

Nomen à δῦς, ἐντέρον, intestinum, & ῥέω, *fluo*, ortum, incommoditatem, magis quam, ut ordinario dicitur difficultatem fluxus istius intestinorum innuere mihi videtur: δῦς enim inter græcos, ut *in* apud romanos, aliquid miserum, triste atque incommodum, ubi vocis alicujus compositionem facit, denotat. Nomen Latinum, *Tormina*, quales hujus morbi dolores sint, satis notum facit.

I I I.

Dysenteria est intestinorum ulceratio, ab acri & corrorente humore orta, & dejectione cruentâ, frequenti, purulentâ, ventrisque torminibus acutissimis concomitata.

I V.

Locus igitur, quem Dysenteria veluti domicilium occupat, intestina sunt; suamque potestatem sævam interdum in tenuibus, interdum in crassis & nonnunquam in tenuibus & in crassis simul exercet. Ventriculus autem in consensum trahitur, & ansam fluxui præbet; & pylorum atque ventriculum ipsum affici, in pluribus hominum dysenteriâ extinctorum cadaveribus circa locum istum, ventriculum nempe, corrosiones & ulcera comperta, satis probant. Cum autem expertissimus, & celeberrimus Professor Leusden, Præceptor meus summè colendus, glandulas intestinæ inesse plurimas ostendens, conjecturæ maximè probabili locum esse humorem in ipsis a fœcibus secerni demonstraverit; vix dubito quin ipsæ glandulæ affectæ sint & viciosum humorem separent; imò potius humoris alicujus laudabilis loco, sanguinem ipsum emittant.

V.

Hujus morbi causæ internæ proximæ sunt, & remotæ. Proximam, ulcus (à supradictis esse patet. Remotam vero humores biliosi, pituitosi, serosique, acidiores, acriores, & corrosivi facti, constituere possunt. Quibus addatur, quod sæpius accidit, ut post diarrhæam violentam, & per longum temporis tractum perdurantem Dysenteria sequatur, quod Hypocrates ipse sect. 7. Aphor. 75. affirmat. & aphor. sequenti post lyenteriam idem accidere testatur.

V I.

Hisce causis internis externæ plures accedunt. Quales omnia humores acriores acidos salinosve reddentia, sunt, v. g. sex res non naturales, venena incaute intus assumpta, arsenium scilicet, auripigmentum &c. Interdum medicamenta quædam acriora; qualia colocynthis, scammonium, Agaricum &c. (Epidemica verò Dysenteria ab infecto aere, exhalationibusque subterraneis evenit.) Nonnunquam ab aere calidiore, vel frigidiore; neque raro fit post pugnam, sive copiarum in certo quodam loco diu castra fecerint, Dysenteriam oriri: & a multis aliis causis quas enumerare vellem incassum, originem trahere potest.

V I I.

In Dysenteria secundum quorundam sententiam quatuor & secundum alios tres tantum & rectius (uti mihi videtur) differentiæ sequentes statuuntur. 1. Scilicet ubi humor mucosus, albus, pinguis, limosus & nullo aut saltem exiguo sanguine permixtus, excernitur. 2. Ubi Intestinorum interna superficies membranosa, seu fibrillæ pelliculosæ tunicæ interioris una cum excrementis & sanguine demittitur. 3. Ubi non solum interior

rior tunica, sed & ipsa intestinorum substantia propria carnosâ corroditur; cumque maximi cruoris humorisque purulenti copia in frustulis & quasi carunculis ejicitur. Cùm autem istas differentias, eiusdem morbi gradus tantum non distinctas species esse sole clarius sit; Dysenteriam in benignam, malignam, & epidemicam melius fortasse dividere possemus. Epidemica fit uti particulæ acres, salinæ nimis ad altiore gradum eveatæ arsenicales, quasi redduntur unde impurissimus evadit aer quo deglutito & intus inspiratione desumpto, corporis nostri, humores corrumpuntur. Ubi vero per contagium late miasma suum veneficum explicat, morbus malignus est.

V I I I.

Ut distinctam in patiente, morbi cognitionem acquiramus, signis hisce diagnosticis attendendum est. Tormina maxima cum tenesmo quodam cruento hujus morbi signum primum ex supradictis liquet. Pars etiam unaquæque affecta distincta quædam diagnostica nobis præbet. Tenuibus itaque intestinis affectis vehementissimus in abdomine dolor paulum ante quàm fæces extrudantur sentitur, & ipse cruor seu materia purulenta magis abunda quam equidem evenit in crassorum intestinorum affectu solo. Tunc enim dolor minor est, cessanteque dolore stercus statim ejicitur, nec sanguis ab ipsis adeo copiosus ut a tenuibus intestinis effluit. In tenuibus intestinis versante morbo, dolor in umbilico sentitur; & syncope symptomatibus aliis sæpius adjungitur, pallidus & in syncope cum horrore quodam exsudat æger. Si crassa intestina affligantur materia fæcalis est spumosa; & uti dixi purior, & cum flatibus crebris ejicitur. Laborantibus autem tenuibus, & crassis, dolor primus subsequente statim acutior est; cruor pulve commiscetur cum excrementis, iisque supernatat. Si vero pylorus aut ventriculus affectus sit, vomitus frequens est. Tum demum horror febris præcursor & prænuntius adest: imo cutem convellens & crispans, quem calor continuus sequitur.

I X.

Patientis tali morbo laborantis periculum non minus medici diligentiam, (quin ipsa mors medico diligentior ægrum corripit,) quàm ejus prudentiam & experientiam requirit: morbus enim acutus est, & raro periculo caret, ut in Prognosi liquebit. Hic morbus omnium animis merito consternationem injicit, pueris autem & senibus magis quam hominibus ætatis mediæ terribilior evadit. Intestinorum difficultas ab atrabile ortum ducens lethalis est secundum Hypocratem Sect. 4. Aphor. 24.

Quod & affirmat Celsus lib. 2. cap. 28. tormina dicit, atrabile orta mortifera sunt.

X.

Si primus tantum hujus morbi gradus aut secundus, id est, si tunica interior sola vulneretur, & offendatur, facilis satis curatu morbus evadit; si profundum est ulcus, non incurabilis, difficilior tamen curatu, præcipue si in tenuibus intestinis situm habent. 1. Quia Medicamenta virtutem suam illis commodè communicare non possunt; per longam enim viam progredienda, antequam ad intestina medicamenta perveniant plerumque deperdita sit. 2. Quia fibrillas subtiliores nerveas, & plura vasa sanguinem copiosiore profundentia habent, uti intestina præparando videre possumus. 3. Intestinorum ulcera vulneraque curatu difficillima sunt; propterea quod non ita facile uniri possunt. Imo Hypocrates ~~in~~ multum intestinorum vulnera incurabilia prædicat. Extremus autem morbi gradus, ubi scilicet quasi carunculæ dejiciuntur, patientem ab orco non longè distare minatur; & Hypocrates Sect. 4. Aphor. 26. ipsum morti tradit. Syncope superveniens cum pallore & sudore frigido, ad mortis limina ducit. In Dysenteriis longis ciborum fastidium malum denuntiat, & cum febre, pejus. Hypocrates Sect. 6. Aphor. 48. Lienosi intestinorum difficultate correpti, iis post longam succedentem intestinorum difficultatem, aqua inter cutem aut intestinorum levitas accedit & moriuntur Aphor. 143. ejusdem sectionis *Ferratius in tract. de morbis infant*: dicit cui Dysenteriam habenti, post aurem veluti res nigra, crobo similis, excrescit, cum vehementi siti, moriuntur in decimo die. Dejectiones synceræ, nigræ, fætidx, singultus, vomitus, præcordiorum dolor Dysenteriam plerumque lethalem prænuntiant, uti *Riverius* testatur. Qui purum sanguinem & copiosum momentaneis, & fere continuis sedibus cum cordis anxietate, siti, vigiliisque intensis jam mundo valedicere debet. Morbus hic decursum suum in 14. dierum spatio nonnunquam absolvit, interdum ad 6. usque septimanas illum protrahit; quibus finitis, Patiens tandem moritur, si denique deliria sese symptomatibus istis adjungunt febrim intensissimam denotantia de illo actum est. Sed de prognosi jam plus satis; ad curam itaque pergendum est.

XI.

Verum enim verò Dysenterix toties inter se differunt, ut quamvis generalem curandi methodum proponere possimus, multa tamen pro re nata & diversis symptomatibus nobis erunt varianda. Cura generatim in Diæticis & pharmaceuticis consistit.

X I I.

Itaque ratione victûs, aer nec incallescens, nec frigescens nimis esse debet; temperatus autem eligendus est: Nam calidus bilem acriorem reddit; unde sanguis particulis istis salinis refertur, & sibi viam in intestinorum vasa sanguifera parat; quo morbus augeri maxime posset. Frigus quoque nobis vitandum est; quia nervorum papillis sub cute jacentibus, ab ipso constrictis, sensibilis transudatio, quo peccans humor naturâ partim ejicitur, & transpiratio insensibilis impediretur. Obstructis enim hisce tubulis excretoriis, quotidie in corpore serum augetur, & acrius evaderet.

Maximè notandum venit ut transpiratio, quantum possibile, blandè tamen, foveatur; quâ I. alvi dejectiones enormes non parum levantur; & secundo febris, si adsit, cum succèssu fugatur. Cubiculi aer non aliter ac in peste purgandus erit, ligno, scilicet, juniperino, &c.

X I I I.

Cibus boni succi, plenus, nutritivus, facilisque digestionis esse debet; uti pulpa hordei mundati, ova, juscula avenacea, vervecina, vitulina, cum endiviis, portulacis &c. Fructus omnes horarii; pruna, poma, nuges; legumina, cucurbitæ, cucumeres, melones &c. & omnia sale condita dulciaque V. G. saccharina, vitentur. Saccharum enim acidum & acre venenum obtegat, quod fermentatione, sanguinis mixturam idoneam & naturalem perturbat.

Potus Ptisana, cum C. C. rasô, radice tormentillæ, & cydon. exsiccat: sit. Cum parva vini rubri quantitate. Aliàs vino, cautè semper abstinendum, angueque pejus vitandum est.

X I V.

Somnus omninò conciliandus naturâ, vel narcoticis, & quies consequenda. Somnus enim optimum dysentericis solamen est. A propriis etiam facibus caveat æger, ideoque super vitrioli martis caput mortuum alvum exonérabit. Hisce bene seduloque peractis, curam ipsam pharmaceuticam aggrediamur.

X V.

In ipsa Gallia ubi fermè gravidis V. S. instituitur, in hoc tamen morbo non illam admittunt, nec admittendam esse puto. Sed ad hostem nostrum tenacem, strenuumque expugnandum, primo purgatio levis, neque nimis astringens ab infusione rhabarbari, verbi gratia, & sim: adhibeatur (non autem, uti non nulli sentiunt, torré fieri debet; sic enim *Empyreuma* patienti obnoxium, acquirit.) Nam hoste primum fugato,

na-

natura ab illo liberata sola satis adstringet. Si feri copiosa quantitas adesset parum mecho cannæ non nocebit.

Neque defunt authores vomitoria adhibentes si nempe patiens nausea bundus sit: iique Ipecuanam Dysenteriae specificè convenientem administrant. Injiciatur deinde Clifter abstergens ex hordeo sem. plantag. conserv. Ros. solut. &c. Hisce peractis moderatè adstringentia & simul mitigantia maximi emolumenti esse possunt. V. G. opiata quædam, terrea, sub acida, glutinosa. &c. inter quæ oleum amigdalæ: sine igne expressum cum citri succo, quotidie sæpius, per dies aliquot assumptum, quamvis simplicissimum, optimum tamen ab expertissimis medicis laudatum est.

Tum denique consolidantia & mitigantia, vel saltem conglutinantia necessaria sunt: ut in enemate decocti capit. & ped. vervec. tarebinth. cum ovi vitello solut. balsam. peruvian.

Dolore verò vehementer urgente gr. i. vel duo laudan. opiat. Clysteri adjungatur. Cùmque ferè semper aliquid maligni in hoc affectu abscondatur interponenda sudorifera, præcipuè besoartica sunt. Quibus autem alexi pharmaca prosunt, ipsis morbus omninò debellandus, & devincendus est.

F I N I S.

